

## Morning Regional Dogri News Bulletin, 05<sup>th</sup> September 2024

मार्निंग डोगरी न्यूज़ बुलेटिन, सभें. 09-20 Hrs

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में श्रुति खजूरिया।

### Headlines

1. प्रधानमंत्री नरेन्द्र मोदी होरें सिंगापुर दे अपने हमरूतबा लॉरेंस वॉंग हुंदे नै डेलीगेशन स्तर दी गल्लबात कीती।
2. जम्मू कश्मीर च असेंबली चुनावें दे त्रीए गेड़ लेई अज्ज अधिसूचना जारी कीती जा'रदी ऐ। इस गेड़ तैहत जम्मू, कठुआ, उधमपुर ते सांबा जिलें दे 24 असेंबली हल्कें च वोट पोआए जाने न।
3. अज्ज मुख् भरे च शिक्षक दिवस मनाया जा'रदा ऐ। राष्ट्रपति द्रौपदी मुर्मू होर अध्यापकें गी राष्ट्री पुरस्कार कन्नै सम्मानित करगंन।
4. पेरिस पैरालंपिक च हरविंदर सिंह होरें मर्दे दे तीरंदाजी रिकर्व ओपन फाइनल च सुन्ने दा तगमा जित्तिये इतिहास रची दित्ता ऐ।

हून खबरें दी तफसील कन्नै विजय बजाज।

<><><><><><>

### PM-Talks

प्रधानमंत्री नरेन्द्र मोदी जेहडे सिंगापुर दे दऊं दिने दे दौरै पर न, होरें सिंगापुर दे अपने हमरूतबा लॉरेंस वॉंग हुंदे नै डेलीगेशन स्तरै दी गल्लबात कीती। बैठक दरान दौने नेताएं भारत सिंगापुर रणनीतिक सांझ-भ्याली च हासल प्रगति दी समीक्षा कीती ते दपक्खी हितें आले इलाकाई ते कुल संसारी सतह दे मुददें पर बचार बटांदरा कीता। दौने मुख् सेहत ते दोआइए दे खेत्तर सने कौशल विकास ते भारत सिंगापुर सैमीकंडक्टर तंत्र सरबंधी सांझ भ्याली बारे सैहमति पत्रें पर दस्तखत कीते। एहदे शा पैहले सिंगापुर दे संसद भवन पुज्जने पर श्री मोदी हुंदा उत्थें रस्मी सुआगत कीता गेआ।

<><><><><><>

### 3<sup>rd</sup> Phase Nomination

जम्मू कश्मीर च ओंदे विधानसभा चुनावें दे त्रीए गेड़ लेई अज्ज अधिसूचना जारी कीती जाग। इस गेड़ तैहत 40 विधानसभा हल्कें पर मतदान होग जिंदे च 24 जम्मू खित्ते दे ते 16 कश्मीर खित्ते दे न। इस गेड़ तैहत नामांकन भरने दी खीरी तरीक 12 सितम्बर ऐ। नामांकन पत्रें दी जांच आला कम्म 13 सितम्बर गी कीता जाग। मेदवार जेकर चाहन तां ओह17 सितम्बर तगर अपना नामांकन वापस परताई सकदे न। त्रीए ते खीरले गेड़ लेई मतदान पैहली अक्तूबर गी होग। खीरले गेड़ च जम्मू जिले दी 11

विधानसभा सीटें, कटुआ दी 6, उधमपुर दी 4 ते सांबा जिले दी 3 सीटें पर मतदान होना ऐ। चुनां आयोग आस्सेआ जारी ताजा हिदायतें मूजब वोटें दी गिनतरी आला कम्म 8 अक्तूबर गी होना ऐ।

<><><><><><>

### 3<sup>rd</sup> Phase Nomination

जम्मू कश्मीर च ओंदे विधानसभा चुनां दे त्रीए गेड़ लेई अज्ज अधिसूचना जारी कीती जाग। इस गेड़ तैह्त 40 विधानसभा हल्कें पर मतदान होग जिंदे च 24 जम्मू खित्ते दे ते 16 कश्मीर खित्ते दे न। इस गेड़ तैह्त नामांकन भरने दी खीरी तरीक 12 सितम्बर ऐ। नामांकन पत्रें दी जांच आला कम्म 13 सितम्बर गी कीता जाग। मेदवार जेकर चाहन तां ओह 17 सितम्बर तगर अपना नामांकन वापस परताई सकदे न। त्रीए ते खीरले गेड़ लेई मतदान पैहली अक्तूबर गी होग। खीरले गेड़ च जम्मू जिले दी 11 विधानसभा सीटें, कटुआ दी 6, उधमपुर दी 4 ते सांबा जिले दी 3 सीटें पर मतदान होना ऐ। चुनां आयोग आस्सेआ जारी ताजा हिदायतें मूजब वोटें दी गिनतरी आला कम्म 8 अक्तूबर गी होना ऐ।

<><><><><><>

### 2<sup>nd</sup> Phase Nomination

दूए गेड़ तैह्त नामांकन भरने दी अज्ज खीरी तरीक ऐ। इस गेड़ तैह्त 25 सितम्बर गी 26 विधानसभा हल्कें पर वोट पाए जाने न। जिंदे च 15 कश्मीर खित्ते दे ते 11 जम्मू खित्ते दे हल्के शामिल न। नामांकन पत्रें दी जांच आला कम्म कल कीता जाग। जिसलै के मेदवार जेकर चाहन तां ओह 9 सितम्बर तगर अपनी नामजदगी वापस लेई सकदे न। जिनें 11 विधानसभा हल्कें पर वोट पाए जाने न उंदे च गुलाबगढ़, रियासी, श्री माता वैष्णो देवी, कालाकोट, सुंदरबनी, नौशेहरा, राजौरी, बुद्धल, थन्नामंडी, सुरनकोट, पुंछ हवेली ते मेंढर शामिल न। 18 सितम्बर गी 24 विधानसभा हल्कें पर वोट पाए जाने न। एह्दे लेई लोड़चदे बंदोबस्त कीते गे न। मतदान अमले गी लोड़चदी सिखलाई दित्ती गई ऐ तां जे चुनां आजादाना, निरपक्ख ते शांतिपूर्ण माहौल च सम्पन्न होई सकन। जम्मू कश्मीर च असेंबली दे चुनां 10एं बरे दे वक्फे मगरा होआरदे न।

<><><><><><>

### Rahul-J&K

लोकसभा च विपक्ष दे नेता राहुल गांधी होरें कल आखेआ जे जेगर जम्मू कश्मीर च असेंबली चुनाएं दे बाद मोदी सरकार नै राज्य दा दर्जा ब्हाल नेई कीता तां केन्द्र च सत्ता च औने दे बाद इंडी गठबंधन दा पैहला फैसला जम्मू कश्मीर दा राज्य दा दर्जा ब्हाल करना गै होग। आकाशवाणी दे जम्मू संवाददाता मूजब बनिहाल ते डुरू असेंबली हल्कें च कल चुनावी रैलिएं दरान भाषण दिंदे होई गांधी होरें दोष लाया जे जम्मू कश्मीर च केन्द्र सरकार आस्सेआ नियुक्त कीते गेदे लेफिटनेंट गवर्नर होर 21मीं सदी दे राजा आला लेखा ववहार करै करदे न ते जम्मू कश्मीर थमां बाहर दे लोकें गी सब्बै फायदे पुजाए जा करदे न। गांधी होरें एह् आखदे होई मोदी सरकार पर जवानी हमला कीता जे उनें राज्य गी केन्द्र शासत प्रदेश बनाइयै जम्मू कश्मीर दे लोकें दे हक मारे न ते उंदे कन्नै बेन्यायी कीती ऐ। गांधी होरें रामबन जिले दे बनिहाल असेंबली हल्के दी संगलदान थाहर इक रैली गी संबोधत कीता जित्थें पैहले गेड़ तैह्त 19 सितम्बर गी मतदान होना ऐ। उंदी दूई रैली श्रीनगर थमां 75 किलोमीटर दूर अनंतनाग दे डुरू च ही। जम्मू कश्मीर दे असेंबली चुनाएं लेई कांग्रेस नै नैशनल कांग्रेस कन्नै गठबंधन कीते दा ऐ।

<><><><><><>

## Nominations

जम्मू संभाग दे रियासी, राजौरी ते पुंछ जिले दिएं 11 सीटें लेई दुए गेड़ तैह्त होने आले चुनां लेई जेह्दये 22 मेदवारे नामांकन भरे न, उंदे च 2 साबका मंत्री, 6 साबका विधायक, जिला विकास काउंसल दे दऊं सदस्य, इक प्राइवेट यूनिवर्सिटी दे साबका वाईस चांसलर ते जनरल जोरावर सिंह हुंदी पड़-पोत्तरी बी शामिल न। आकाशवाणी दे जम्मू संवाददाता मूजब दुए गेड़ दे चुनां लेई नामांकन भरने दी अज्ज खीरी तरीक ए ते बीजेपी दे प्रदेश प्रधान रविन्द्र रैणा होर राजौरी जिले दे नौशहरा असेंबली हल्के थमां नामांकन भरगंन।

<><><><><><>

## Exit Poll Ban

भारतीय चुनां आयोग नै जम्मू कश्मीर च विधानसभा चुनां दरान कुसै बी चाल्ली दे एकजट पोल पर पाबंदी लाई दिक्ती ऐ। एह पाबंदी भारतीय जन प्रतिनिधित्व अधिनियम 1951 दी दफा 126 ए तैह्त लाई गई ऐ। आयोग आस्सेआ जारी अधिसूचना मूजब एकजट पोल पर पाबंदी मतदान शुरू होने दे पैहले दिन थमां लागू होग ते मतदान खत्म होने दे अद्धे घैंटे तगर जारी रौहग। जम्मू कश्मीर च विधानसभा चुनां त्रै चरणे च होने न, पैहले गेड़ तैह्त मतदान 18 सितम्बर गी होग।

<><><><><><>

## Kathua Election(byte)

कठुआ दे जिला चुनां अधिकारी डॉ. राकेश मिन्हास होरें जिले च त्रीए गेड़ तैह्त पैहली अक्टूबर गी होने आले असेंबली चुनां लेई सब्बने 6 विधानसभा हल्के च कीते गेदे बंदोबस्ते दे ब्यारे सांझे कीते। साढ़े कठुआ संवाददाता मूजब उनें दस्सेआ जे जिले दे 6 असेंबली हल्के-बनी, बिलावर, बसोहली, जसरोटा, कठुआ ते हीरानगर च कुल 5 लक्ख 2 ज्हार 978 मतदाता न, मतदान गी बवस्थित ढंगै नै करोआने लेई कुल 704 मतदान केन्द्र बनाए गेदे न।

<><><><><><>

## Poonch PWD Voter

पुंछ दे जिला चुनां अधिकारी विकास कुंडल होरें दिव्यांग लोके लेई मतदान दी प्रक्रिया गी सौक्खा बनाने लेई कीते गेदे बंदोबस्ते दा कल जायजा लैता। साढ़े पुंछ संवाददाता मूजब जिले च 3 ज्हार 536 दिव्यांग मतदाता न ते त्रौनें असेंबली हल्के-सुरनकोट, पुंछ ते मेंढर च सब्बने मतदान केन्द्रें पर इंदे लेई लोड़चदे बंदोबस्त कीते गे न।

<><><><><><>

## Rev. Prez.-Teacher

राष्ट्रपति द्रौपदी मुर्मू होर अज्ज शिक्षक दिवस दे मौके पर नमीं दिल्ली दे विज्ञान भवन च लगने आले इक समारोह च 82 अध्यापके गी राष्ट्रीय शिक्षक पुरस्कार 2024 कन्नै सम्मानित करगंन। आकाशवाणी दिल्ली आस्सेआ इस कार्यक्रम दा सिद्दा

प्रसारण एफ.एम.गोल्ड, दन्द्रप्रस्त ते आकाशवाणी लाईव न्यूज 24 इनटू 7 पर समां 4 बज्जियै 10एं मिटे पर कीता जाग। इस कार्यक्रम दा सिद्दा प्रसारण आकाशवाणी ए.आई.आर ते आकाशवाणी दे यूट्यूब चैनलें पर बी उपलब्ध रौहग। हर ब8रे 5 सितम्बर दा ध्याड़ा जेह्डी जे साबका राष्ट्रपति डॉ. सर्व पल्ली राधा कृष्णन हुंदी जन्म जयति ऐ, गी राष्ट्रीय शि क्षक दिवस दे रूपै च मनाया जंदा ऐ। केन्द्री शिक्षा मंत्रालय नै आखेआ ऐ जे राष्ट्रीय शिक्षक पुरस्कार देने दा मकसद देसे दे उनें खास टीचरें गी सम्मानित करना ऐ जिंदा शिक्षा दे क्षेत्र च बड़ा मता योगदान होंदा ऐ ते जेह्डे न छड़ा स्कूली शिक्षा दे मयार च सुधार करदे न, सगुआं विद्यार्थिं दे जीवन गी बी अपनी मेहनत ते संपर्ण भाव कन्नै समृद्ध बनांदे न। स्कूली शिखा ते साक्षरता विभाग नै ऐकती राष्ट्रीय शिक्षक पुरस्कार लेई 50 टीचरें दी ताल कीती ऐ। एह ताल पूरी चाल्ली पारदर्शी ढंगै नै ते ऑनलाइन त्रऊं चरणें च जिला, राज्य ते राष्ट्रीय स्तर दी प्रक्रिया राएं कीती गई ऐ। उच्च शिक्षा विभाग दे 16 टीचर ते हुनर विकास ते उद्यमता मंत्रालय दे 16 टीचरें गी बी सम्मानित कीता जाग।

<><><><><><>

### President Teacher Day

राष्ट्रपति द्रौपदी मुर्मू होरें राष्ट्रीय शिक्षक दिवस दी पूर्व संजा कल सब्बने अध्यापकें गी शुभकामना दित्तियां। अपने इक ममारकी सनेए च राष्ट्रपति होरें आखेआ जे एह ध्याड़ा महान शिखा विद, विद्वान ते सांबा राष्ट्रपति डॉ. सर्वपल्ली राधा कृष्णन हुंदी जन्म जयति ऐ। उनें श्रद्धांजलि भेंट करदे होई द्रौपदी मुर्मू होरें आखेआ जे डॉ. एस.राधा कृष्णन हुंदी जन्म जयति आला दिन मनाया जंदा ऐ। उनेंगी श्रद्धांजलि भेंट करदे होई द्रौपदी मुर्मू होरें आखेआ जे डॉ. राधा कृष्णन समूलचे राष्ट्र लेई इक प्रेरणा न। राष्ट्रपति होरें आखेआ जे बच्चे राष्ट्र दा भविक्ख हुंदे न ते अध्यापक विद्यार्थिं दे नेता दे रूपै च तैआर करदे होई राष्ट्र दा भविक्ख तैह करने च महत्वपूर्ण योगदान दिंदे न। उनें आखेआ जे शिक्षकें दी जिम्मेदारी ऐ जे ओह विद्यार्थिं गी नैतिक मुल्ले-कदरें, तथ्यें पर अधारत ते आलोचनात्मक सोव, हुनर ते समाज लेई जिम्मेदारी दी भावना कन्नै लैस करन।

<><><><><><>

### PM Teacher Day

प्रधानमंत्री नरेन्द्र मोदी होरें शिक्षक दिवस दे मौके पर अध्यापकें गी शुभकामना दित्तियां न। इक सोशल मीडियो पोस्ट च प्रधानमंत्री होरें सारे अध्यापकें प्रति आभार व्यक्त कीता जेह्डे युवा दे भविक्ख गी आकार दिंदे न। उनें साबका राष्ट्रपति डॉ. सर्वपल्ली राधा कृष्णन होरें गी उंदी जयति दे मौके पर उनेंगी श्रद्धांजलि भेंट कीती। उंदी जयति गी शिक्षक दिवस दे तौर पर मनाया जंदा ऐ।

<><><><><><>

### LG-Greetings

उपराज्यपाल मनोज सिन्हा होरें शिक्षक दिवस दे मौके पर सारे अध्यापकें गी बधाई दित्ती ऐ। अपने इक सनेह च उपराज्यपाल होरें महान शिखविद् ते भारत दे साबका राष्ट्रपति डॉ. सर्वपल्ली राधा कृष्णन होरें गी श्रद्धांजलि भेंट करदे होई आखेआ जे उंदा जीवन ते उंदा कम्म औने आलिं पीढिं गी बी प्रेकरत करदा रौहग। उनें आखेआ जे शिडक सेई मायने च राष्ट्र दा निर्माण करदा ऐ ते अध्यापक इक्कै समें पर केई सारी भूमका नमांदे न।

<><><><><><>

## PM Package

जम्मू कश्मीर सरकारै रोजगार ते हुनर विकास लेई प्रधानमंत्री हुंदे पैकेज दी अमलावरी दी निगरानी लेई खजाना मैहकमे दे प्रशासनिक सचिव हुंदी अगुवाई च इक पैनल खडेरैआ ऐ। हासल जानकारी मूजब केन्द्र बजट 2024-25 च कीती गेदी घोषणा गी दिक्खदे होई इस सरबंधे च फैसला लैता गेआ ऐ।

<><><><><><>

## Paraolmpics

पैरिस पैरालंपिक च हरविंदर सिंह होरें मर्दे दे तीरांदाजी रिकर्व ओपन फाइनल च सुन्ने दा तगमा जित्तियै इतिहास रची दित्ता ऐ। ओह पैरालंपिक जां ओलंपिक च सुन्ने दा तगमा जित्तने आले भारत दे पैहले तीरांदाज बने न। दूई बक्खी मर्दे दे क्लब थ्रो एफ-51 दे फाइनल च धर्मवीर होरें 34.9-2 मीटर दी दूरी तैह करियै एशियाई रिकार्ड त्रोटियै ते सुन्ने दा तगमा जित्तेआ ऐ। प्रणव सूरमा नै इस्सै मकाबले च 34.5-0 मीटर दी दूरी हासल करियै चांदी दा तगमा अपने नां कीता। पैरालंपिक खेड्डे दे अज्ज 8में रोज भारती टीम तीरांदाजी अभियान च शानदार प्रदर्शन दे कन्नै अभियानद । समापन करने लेई उतरोग। भारती खडारिएं पैरालंपिक खेड्डे दे कुसै इक संस्करण च अजे तगर सब्बने शा मते तगमे जित्ती लैते दे न। इंदे च सुन्ने दे 5, चांदी दे 9 ते कैह दे 10 तगमे शामिल न।

<><><><><><>





